

PROGRAM SEMALAM DI PERLIS

Program Semalam Di Perlis telah diadakan di Kolej Kediaman B & C pada 31 Mei 2003 yang lalu. Ianya diadakan bersempena dengan pendaftaran pelajar-pelajar baru sesi 2003/04 KUKUM dan telah dihadiri oleh kira-kira seramai 2,500 ibu-bapa dan pelajar baru. Dalam program ini para tetamu telah disajikan dengan jamuan makan malam dan juga diselinkan dengan persembahan nyanyian dan juga tarian oleh kumpulan dari Taman Budaya Negeri Perlis.

Pada malam ini juga Y.Bhg. Rektor telah menyampaikan ucapan aluan dan seterusnya menerima 6 orang pelajar baru dari ibu-bapa masing-masing sebagai simbolik kepada penjagaan dan amanat serta didikan oleh keluarga pelajar kepada pihak KUKUM.

Di samping dapat mendekatkan keluarga pelajar baru dengan pihak KUKUM program ini diadakan bagi membantu program Tahun Melawat Perlis 2003-2005 anjuran Kerajaan Negeri Perlis.